



# ঢাকা পানি সরবরাহ ও পয়ঃ নিষ্কাশন কর্তৃপক্ষ

ব্যবস্থাপনা পরিচালকের কার্যালয়  
জনতথ্য বিভাগ, ওয়াসা ভবন  
৯৮, কাজী নজরুল ইসলাম এভিনিউ, ঢাকা- ১২১৫,



শেখ হাসিনার মূলনীতি  
গ্রাম শহরের উন্নতি

স্মারক নং-৪৬.১১৩.১০৩.০০.০০.০৮৪.২০১৭/৯০২

তারিখ : ১৮/০৮/২০২২

বার্তা সম্পাদক  
দৈনিক সমকাল  
ঢাকা।

**বিষয় : প্রকাশিত সংবাদের পরিপ্রেক্ষিতে ঢাকা ওয়াসার প্রতিবাদ।**

১৮ আগস্ট ২০২২ ইং তারিখে আপনাদের “দৈনিক সমকাল” পত্রিকায় “তৈরি হল পয়ঃ শোধনাগার তবে নেই বর্জ্য নেওয়ার পাইপলাইন” শিরোনামে প্রকাশিত সংবাদটি ঢাকা ওয়াসার দৃষ্টি গোচর হয়েছে। এ বিষয়ে ঢাকা ওয়াসার বক্তব্য নিম্নরূপঃ

উপরিলিখিত প্রকাশিত সংবাদের প্রেক্ষিতে জানানো যাচ্ছে যে, দাশেরকান্দি পয়ঃ শোধনাগার প্রকল্পটি প্রথমে হাতিরঝিলের সমন্বিত উন্নয়ন প্রকল্পের অংশ হিসেবে “Sewage Treatment Plant at Dasherbandi for Treating Diverted Sewage from Hatirjheel and Bagunbari Khal” শীর্ষক প্রকল্প নামে ছিল। পরবর্তীতে প্রকল্পটির নামকরণ করা হয় “Dasherbandi Sewage Treatment Plant Project”। উল্লেখ্য, BRTC-BUET কর্তৃক ২০১২ সালে উক্ত প্রকল্পের Feasibility Study, Survey, EIA and Detail Design সম্পন্ন করা হয়। BRTC-BUET এর Design অনুযায়ী হাতিরঝিলের দুই পার্শ্বে “বাংলাদেশ আর্মি” এর তত্ত্বাবধানে ঢাকা ওয়াসা কর্তৃক নির্মিত Special Sewage Diversion Structure (SSDS) এর মাধ্যমে আগত পয়ঃ দাশেরকান্দিতে নিয়ে Treatment করে নড়াই খালে Discharge করে বালু ও শীতলক্ষ্যা নদীর দূষণ কমানোর মাধ্যমে পরিবেশের উন্নয়ন ঘটানোর প্রস্তাব করা হয়। কিছুদিন পূর্ব পর্যন্ত উক্ত SSDS এর মাধ্যমে আগত পয়ঃ রামপুরা ব্রীজের নিকট সরাসরি পাম্পিং করে রামপুরা খালে Discharge করার ফলে পরিবেশের মারাত্মক ক্ষতি সাধিত হয়েছে।

ঢাকা মহানগরবাসীর শতভাগ পয়ঃ সেবা প্রদানের লক্ষ্যে ঢাকা ওয়াসা কর্তৃক ২০১৩ সালে একটি Sewerage Master Plan প্রণয়ন করা হয়। যেখানে ঢাকা শহরের অভ্যন্তরে ৫(পাঁচ)টি পয়ঃ শোধনাগার নির্মাণের প্রস্তাব করা হয়। দাশেরকান্দি পয়ঃ শোধনাগার প্রকল্প উক্ত ০৫ টি পয়ঃ শোধনাগারের মধ্যে অন্যতম। দাশেরকান্দি পয়ঃ শোধনাগার প্রকল্পটি চায়না এক্সিম ব্যাংকের অর্থায়নে EPC/Turnkey পদ্ধতিতে চীনা ঠিকাদারী প্রতিষ্ঠান HydroChina Corporation কর্তৃক বাস্তবায়িত হয়েছে। আলোচ্য প্রকল্পের আওতায় ০১(এক) টি Sewage Lifting Station, ০৫ কি.মি. Trunk Main Sewer (Dual Line) ও ৫০০ এমএলডি ক্ষমতা সম্পন্ন পয়ঃ শোধনাগার নির্মাণ করা হয়েছে। প্রকল্পের আওতায় মূল ডিপিপিতে মোট ব্যয় ৩৩১৭.৭৭ কোটি টাকা নির্ধারিত ছিল। তন্মধ্যে জিওবি খাতে ১১২৩.৭৭ কোটি টাকা; প্রকল্প সাহায্য খাতে ২৮০.০০ মিলিয়ন মার্কিন ডলার (২১৮৪.০০ কোটি) ও ঢাকা ওয়াসার নিজস্ব খাতে ১০.০০ কোটি টাকা ছিল।

মূল ডিপিপিতে Operation & Maintenance এর ব্যয় বাবদ কোন অর্থ বরাদ্দ ছিল না। পরবর্তীতে ১(এক) বছরের Operation & Maintenance এর কার্যক্রম অন্তর্ভুক্ত করে অর্থাৎ সংশোধিত ডিপিপিতে কর্মপরিধি বৃদ্ধি হওয়ার ফলে মোট ব্যয় কিছুটা বৃদ্ধি পেয়ে ৩৭১২.৫৪ কোটি টাকা হয়। তন্মধ্যে জিওবি খাতে ১৩৩৬.৫৪ কোটি টাকা; প্রকল্প সাহায্য খাতে ২৮০ মিলিয়ন মার্কিন ডলার (২৩৬৬.০০ কোটি টাকা) ও ঢাকা ওয়াসা খাতে ১০.০০ কোটি টাকা। এক্ষেত্রে প্রকল্প সাহায্য খাতে কোন ব্যয় বৃদ্ধি হয়নি। অন্যদিকে কোভিড-১৯ এর কারণে প্রকল্প কাজে বিঘ্ন হওয়ায় প্রকল্পের মেয়াদ পরবর্তীতে কিছুটা বৃদ্ধি পেয়েছে। কিন্তু প্রকল্পের মোট ব্যয় ২৩০.১২ কোটি টাকা সাশ্রয় হয়েছে। অর্থাৎ বর্তমানে প্রকল্পের মোট ব্যয় ৩৭১২.৫৪ কোটির পরিবর্তে ৩৪৮২.৪২ কোটি টাকা হয়েছে। তন্মধ্যে জিওবি খাতে ১১০৬.৪২ কোটি; প্রকল্প সাহায্য খাতে ২৮০ মিলিয়ন মার্কিন ডলার ও ঢাকা ওয়াসা খাতে ১০.০০ কোটি টাকা। বর্তমানে দাশেরকান্দি পয়ঃ শোধনাগারটিতে Trial Operation চলমান রয়েছে। BRTC-BUET এর Design অনুযায়ী হাতিরঝিলের দুই পার্শ্বে “বাংলাদেশ আর্মি” এর তত্ত্বাবধানে ঢাকা ওয়াসা কর্তৃক নির্মিত Special Sewage Diversion Structure (SSDS) এর মাধ্যমে আগত পয়ঃ বর্জ্য আফতাব নগর প্রধান সড়ক বরাবর প্রকল্পের আওতায় স্থাপিত ১০ কিলোমিটার Trunk Main Sewer Line এর মাধ্যমে দাশেরকান্দি পয়ঃ শোধনাগারে নিয়ে পরিশোধন করা হচ্ছে এবং বর্তমানে পয়ঃ শোধনাগারটি তার পূর্ণ ক্ষমতা অর্থাৎ ৫০০ এমএলডি-তে চলমান রয়েছে। সুতরাং প্রকাশিত সংবাদে প্রকল্পের আওতায় ১০ কিলোমিটার Trunk Main Sewer Line স্থাপন করতে পারেনি খবরটি মিথ্যা, বানোয়াট ও ভিত্তিহীন।

